

Beschluß.

Dieses ist also die ganze Summa / so viel dieß-
 mahls die gelegenheit geben / vnd in vnsern
 Verstandt kommen / *de Astronomica & Physica de-*
scriptione Cometa / zu offenbaren vnd an tag zu geben /
 mit welchem wir das Ende dieses Büchleins be-
 schliessen wollen / vnd vns sampt dieser Beschreibung
 in des günstigen Lesers Freundschaft vnd geneig-
 tes Dertz vntergeben haben. Welchem vnd allen
 den jenigen / so eines rechtmessigen Verstandes / wir
 alle vnd jede obgeschriebne sachen / in ire vnparthei-
 sche Examination vnd Probation wöllen trewher-
 zig befohlen haben. Dargegen wir alle Wider-
 sacher vnd Feinde der Astronomy / oder anderer
 Philosophischen Künste / so mit grober vnwissenheit
 vnd grewlichen blindtheit / mit kindischen / vnges-
 gründten *argumentis* / auff die Bahn etlich mal bis
 anher getretten / ir vnütztes vnd vergebliches pro-
 clamiren / schenden vnd lestern / gar nicht zuhören /
 viel weniger anzunemen / oder sich das wenigste *a*
proposito irren zulassen / billich vnd vernünfftig erkens-
 nen. Vnd bieweil solche Personen gemeiniglich der
 Wahren sind / vnd von der anzahl / so der Kunst vnd
 des Verstandes in der rechten *Philosophia* vnerfah-
 ren (als sie dann besonder vnter andern / in dem sich
 entblößen / das sie nicht haben wollen die *Astronomi-*
ca subiecta aus irer eigenen Kunst zu describiren vnd
 examiniren / sondern vns vnd dieselben berauben
 wollen / vnd einer andern Facultet zu tractiren / mit
 vnbesonnenem gewalt zumessen vnd vberreichen
 wöllen)